

Bosna i Hercegovina  
Federacija Bosne i Hercegovine  
FEDERALNO MINISTARSTVO  
OKOLIŠA I TURIZMA

Bosnia and Herzegovina  
Federation of Bosnia and Herzegovina  
FEDERAL MINISTRY OF  
ENVIRONMENT AND TOURISM

Broj: 05/1-23-273/25  
Sarajevo, 15. 04. 2025. godine

BOSNA I HERCEGOVINA  
Federacija Bosne i Hercegovine  
n/r sekretar dr.sc. Edita Kalajdžić  
Vlada Federacije BiH  
Hamdije Čemerlića 2  
71 000 Sarajevo

BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
Zastupnički dom/Predstavnički dom  
n/r sekretar Ivan Miličević  
Hamdije Kreševljakovića br. 3  
71 000 Sarajevo

BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
Zastupnički dom/Predstavnički dom  
Bajro Makić, federalni zastupnik  
Hamdije Kreševljakovića br. 3  
71 000 Sarajevo

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

| Primljeno: 22-04-2025 |      |         |            |
|-----------------------|------|---------|------------|
| Org. jed.             | Broj | Priloga | Vrijednost |
| 05/1                  | -02- | 179     | /25        |

**Predmet:** Odgovor na poslaničko/zastupničko pitanje, - dostavlja se -

Veza: *Dopis Vlade Federacije BiH broj: 03-04-709-26/25 od 09.04.2025.*  
*Dopis Parlamenta Federacije BiH br. 05/1-02-179/25 od 03.04.2025.*

Poštovani,

na adresu Federalnog ministarstva okoliša i turizma prisljeđen je dopis Parlamenta Federacije i Vlade Federacije BiH radi davanja odgovora na zastupničko pitanje zastupniku Bajri Makiću postavljenom na 19. redovnoj sjednici Predstavničkog doma Parlamenta Federacije Bosna i Hercegovine, održanoj 02. 4. 2025. godine.

Pitanje glasi:

Prilikom donošenja Rješenja za „Energokul” d.o.o. Travnik kojim se za projekat Vjetroelektrane instalirane snage 200 MW utvrđuje da nije potrebno dalje provođenje procjene uticaja na okoliš putem izrade Studije uticaja na okoliš. Jesu li konsultovani – pitani niži nivoi vlasti, Srednjobosanski kanton, opštine Jajce, Travnik i Dobretići a posebno Prostorni plan Srednjobosanskog kantona?

Obrazloženje: Uvidom u rješenje piše da je lokacija navedenog projekta planina Vlašić a same k.č i nevedene lokacije sa koordinatama nemaju nikakvu vezu sa planinom Vlašić. Ključno pitanje koje nigdje nije ni spomenuto u Rješenju da koncesioni obuhvat od 28 km<sup>2</sup> lociran je u visokim šumama

najviše vrijednosti koje bi se posjekle na golo ako bi se realizovao ovaj projekat. Prostorni plan SBK 2005. – 2030. Propisano je da planiranje prostora za ispitivanje i izgradnju vjetroelektrana ne može biti u zoni visokih šuma. Praćenje stanja okoliša u izgradnji i radu fokusirano je na „šišmiše i ptice“, kako piše u Rješenju.

Odgovor:

## **1. Uključivanje nižih nivoa vlasti u postupak**

U skladu sa članom 40. i 70. Zakona o zaštiti okoliša („Službene novine Federacije BiH“, broj 15/21), ovo Ministarstvo je osiguralo učešće javnosti u postupcima prethodne procjene uticaja na okoliš, tako da je dokumentacija vezano za namjeravani zahvat u prostoru/projekat postavljena na web stranici Ministarstva [www.fmoit.gov.ba/Okolišne dozvole/Javne rasprave i Javni uvidi dana 23.11.2023 godine](http://www.fmoit.gov.ba/Okolišne_dozvole/Javne_rasprave_i_Javni_uvidi_dana_23.11.2023_godine).

Obavještenje o pokrenutom postupku radi informisanja i uključivanja javnosti u postupak donošenja odluka i javnom uvidu u dostavljenu dokumentaciju, dostavljeno je uz dopis ovog Ministarstva od 23.11.2023. godine sljedećim zainteresovanim subjektima:

- Općina Dobretići, Dobretići bb 70210 Dobretići
- Općina Travnik Konatur bb 72270 Travnik
- Općina Jajce Ul. Nikole Šopa 70101 Jajce
- MZ Vitovlje, Vitovlje bb, 72 283 Turbe
- Ministarstvo prostornog uređenja, graditeljstva, zaštite okoliša, povratka i stambenih poslova, Prnjavor 16 a, 72270 Travnik
- Agencija za vodno područje rijeke Save, ul. Grbavička 4/III 71 000 SARAJEVO
- Federalno ministarstvo poljoprivrede, vodoprivrede i šumarstva, Hamdije Čemerlića 2, 71 000 Sarajevo
- Federalno ministarstvo prostornog uređenja, Hamdije Čemerlića 2 71 000 Sarajevo
- Federalno ministarstvo kulture i sporta, Zavod za zaštitu spomenika, Obala Maka Dizdara 2, 71 000 Sarajevo
- JU Zavod za javno zdravstvo Srednjobosanskog Kantona, Školska bb 72270 Travnik,

što znači da su u o predmetnom postupku bili obaviješteni niži nivoi vlasti, mišljenja i primjedbe su mogli dostaviti u zakonskom roku od 30 dana od dana prijema pisanog obavještenja o javnom uvidu u pisanom formi, a kako je i navedeno u obrazloženje predmetnog rješenja ovog Ministarstva.

## **2. Katastarske čestice**

U tački A1.7. Zahtjeva za prethodnu procjenu koja zahtjeva odgovor u vezi vlasništva nad zemljištem i/ili objektom na kojem se nalazi postojeći i/ili planirani projekat navedeno je sljedeće (citirano): „Gradnja VE Energokul planirana je unutar koncesionog područje koje se nalazi na teritoriji općina Dobretići, Jajce i Travnik na zemljištu koje je označeno kao:

k.č.1089/1, k.o. Brnjići, općina Dobretići, vlasništvo ŠGD „Šume Središnje Bosne“/ŠPD „Srednjobosanske šume“ d.o.o. Donji Vakuf;  
k.č.1090/1, k.o. Brnjići, općina Dobretići, vlasništvo ŠGD „Šume Središnje Bosne“/ŠPD „Srednjobosanske šume“ d.o.o. Donji Vakuf;  
k.č.1144, k.o. Brnjići, općina Dobretići, Javno dobro-putevi, Općina Dobretići;  
k.č.1117/1, k.o. Brnjići, općina Dobretići, vlasništvo ŠGD „Šume Središnje Bosne“/ŠPD „Srednjobosanske šume“ d.o.o. Donji Vakuf;  
k.č.784/1, k.o. Zubovići općina Dobretići, vlasništvo ŠGD „Šume Središnje Bosne“/ŠPD „Srednjobosanske šume“ d.o.o. Donji Vakuf;  
k.č. 538/1, k.o. Hamamdžići, općina Travnik, vlasništvo ŠIPAD „Sarajevo“ ZOOUR Sebešić  
k.č.3656, k.o.Lendići;  
k.č. 13/32 k.o. Kruščica, općina Jajce, vlasništvo Šumsko privredno preduzeće Gorica, Šipovo;  
k.č.10/1, k.o. Milaševci; općina Dobretići, vlasništvo ŠGD „Šume Središnje Bosne“/ŠPD „Srednjobosanske šume“ d.o.o. Donji Vakuf;

k.č. 3/97, k.o. Seoci, općina Jajce, vlasništvo ŠGD "Šume Središnje Bosne"/ŠPD „Srednjobosanske šume“ d.o.o. Donji Vakuf;  
k.č. 1/1, k.o. Bešpelj Gornji, općina Jajce, vlasništvo O.N.I. Šumsko privredno preduzeće Gorica, Šipovo.“

U tački A 1.8. Zahtjeva navedeno je sljedeće (citirano): "Investitor posjeduje Ugovor o koncesiji za izgradnju, uređenje, opremanje, korištenje i održavanje postrojenja za pretvaranje energije vjetra u električnu energiju - vjetroelektrane instalisane snage 200 MW, na lokacijama Ranča- Dobretići- Vitovlje Malo, općine Travnik, Jajce i Dobretići.

Broj ugovora je: 04-17-800/14-1 (01-12/15-1) potpisan između: ENERGOKUL d.o.o. Travnik i BiH, FBiH, SBK, Ministarstvo privrede Travnik, dana 01.06.2016.godine.

Aneks br. 1. za produženje trajanja Ugovora o koncesiji br. 04-17-1110/18 (01/18), od 26.03.2018. godine,

Aneks br. 2. za produženje trajanja Ugovora o koncesiji br. 05-13-1942/21 (362/21), od 05.04.2021. godine.

Aneks br. 3. za produženje trajanja Ugovora o koncesiji, br. 05-13-1942/21-3 od 23.08.2023. godine.“

Za tačnost podataka, pa tako i katastarskih čestica navedenih u zahtjevu za prethodnu procjenu uticaja na okoliš odgovara podnosilac zahtjeva koji je uz isti dostavio Izjavu o istinitosti, tačnosti i potpunosti podataka sadržanih u zahtjevu (Prilog V. Uredbe o projektima za koje je obavezna procjena uticaja na okoliš i projektima za koje se odlučuje o potrebi procjene uticaja na okoliš ("Službene novine Federacije BiH", broj: 51/21, 33/22 i 104/22) koja je potpisana od odgovornog lica podnosioca zahtjeva i ovjerena u skladu sa Uredbom i kao takva je obavezni je dio zahtjeva.

### **3. Prostorni plan**

Uz zahtjev je dostavljen ovjeren izvod iz Prostornog plana (br.07-19-7271/23). Prostorni plan SBK/KSB objavljen je u Službenim novinama SBK/KSB br. 10, dana 18. 9. 2023. godine. Planom je predviđena površina za istraživanje vjetropotencijala i izgradnju vjetroelektrana na Vlašiću, u ukupnom iznosu od 6.099,74 ha, uključujući i koncesiona polja: lokalitet Devičani – Vlašić, lokalitet Poljice – Vlašić, Čardakovi, te Ranča – Dobretići – Vitovlje Malo.

### **4. Sječa šume**

Vezano za sječu/krčenje šume, informišemo vas da u predmetnom slučaju isto podliježe odredbama Zakona o šumama („Službene novine Srednjobosanskog kantona“, broj: 5/14) i nije u nadležnosti ovog Ministarstva, već Ministarstva poljoprivrede, vodoprivrede i šumarstva Srednjobosanskog Kantona. Na osnovu člana 46. ovog Zakona dozvolu za krčenje šume izdaje navedeno Ministarstvo na osnovu mišljenja stručne komisije koju imenuje Ministarstvo, a zahtjev za krčenje šume može podnijeti vlasnik privatne šume, koncesionar i drugo ovlašteno lice, u skladu s odredbama ovoga Zakona, uz sljedeću dokumentaciju:

- a) izvod iz važećeg plana prostornog uređenja;
- b) izvod iz zemljišnih knjiga;
- c) koncesijski ugovor ako se radi o koncesiji;
- d) okolišnu dozvolu u skladu s propisima o zaštiti okoliša;
- e) saglasnost organa nadležnog za zaštitu historijskog i prirodnog naslijeđa;
- f) akt organa nadležnog za vodoprivredu;
- g) procjenu iznosa troškova podizanja i održavanja nove šume na površini koja je predmet krčenja, s tržišnom vrijednosti drva koja se dobije sječom, koju je uradio korisnik šuma.

**Ministarstvo poljoprivrede, vodoprivrede i šumarstva Srednjobosanskog Kantona donosi saglasnost koja obavezno sadrži ukupnu površinu predviđenu za krčenje, utvrđeni iznos naknade za krčenje i promjenu namjene šumskoga zemljišta, a dozvola za krčenje šume važi dvije godine od dana izdavanja.**

## 5. Praćenje stanja okoliša

Tačno je da je **praćenje** stanja okoliša u izgradnji i eksploataciji, između ostalog, fokusirano i na na šišmiše i ptice, ali i na floru i faunu sa fokusom na ugrožene, osjetljive i endemične biljne vrste, zatim na nabavku materijala, transporta materijala, emisija sa gradilišta i stanja okoliša u zoni građenja i neometanog i sigurnog odvijanja prometa, te buku. Osim praćenja stanja okoliša, **ključni dio rješenja su mjere zaštite okoliša njih ukupno 39 koje su sadržane u tački 3.** predmetnog rješenja izdatog privrednom društvu „Energokul” d.o.o. Travnik koje moraju postati dio glavnog građevinskog projekta na osnovu kojeg se izdaje odobrenje za građenje, i to u dijelu koji se odnosi na zaštitu okoliša.

S poštovanjem,



Dostaviti:

- naslovu
- arhiv